



Broj: 535/19
Sarajevo, 03.10.2019. godine

Predsjednicima Osnovnih sindikalnih organizacija

PREDMET: Upute u vezi održavanja i učešća na protestima, dostavlja se

Poštovani,

Kao što Vam je poznato, Sindikat radnika u zdravstvu u Kantonu Sarajevo (u daljem tekstu: Sindikat) održava mirno okupljanje - proteste ispred zgrade Vlade Kantona Sarajevo u ponedjeljak, 07.10.2019. godine u periodu od 12,00 do 14,00 sati.

S tim u vezi dajemo Vam sljedeće upute:

Na protestu se neće zauzimati površina puta, što znači da se protesti održavaju na trotoaru i u parku preko puta zgrade Vlade Kantona Sarajevo. Nadalje, učesnicima i redarima mirnog okupljanja zabranjeno je nositi oružje, predmete pogodne za nanošenje tjelesnih povreda i alkoholna pića, te ne smiju nositi uniforme, dijelove uniforme, odjeće ili drugih obilježja kojima se poziva ili podstiče na oružane sukobe ili upotrebu nasilja, nacionalnu, rasnu, vjersku ili drugu mržnju. Shodno Zaključku sa Druge Vanredne Skupštine ovog Sindikata, na protreste učesnici mogu doći u svojim radnim uniformama.

Obaveze voditelja postupka i redara su definisane članom 20. i 21. Zakona o javnom okupljanju u Kantonu Sarajevo („Službene novine KS“ broj: 32/09 i 11/11) i iste Vam dostavljamo u prilogu ovog dopisa. Voditelj mirnog okupljanja – protesta je predsjednik ovog Sindikata, prim. dr Edo Selimić, a redari su članovi Glavnog odbora Sindikata i članovi osnovnih sindikalnih organizacija za koje ste dostavili potvrdu i podatke da su redari. Redari su dužni prsluke preuzeti pola sata prije početka protesta od sekretara Sindikata, Sanele Malićević u zgradi Doma sindikata (Obala Kulina bana 1, V sprat, soba 506), te nakon okončanja protesta imenovanj vratiti prsluke.

U slučaju nekih nejasnoća vezano za organizaciju i samo prisustvovanje protestu učesnici se mogu obratiti predsjednicima svoje osnovne sindikalne organizacije, a oni voditelju postupka.

Direktorima ustanova i zavoda je poslat dopis kako bi radnicima - učesnicima protesta omogućili izlaz sa posla, a koji Vam dostavljamo u prilogu ovog dopisa. Vi kao predsjednici osnovnih sindikalnih organizacija imate obavezu obavijestiti Vašeg poslodavca ko su redari i učesnici protesta iz osnovne sindikalne organizacije čiji ste predsjednik, kako bi isti u periodu održavanja protesta dobili odobrenje poslodavca za izlaz sa posla.

Organizator protesta je Sindikat radnika u zdravstvu u Kantonu Sarajevo koji prema Zakonu o javnom okupljanju u Kantonu Sarajevo, snosi odgovornost za proteste, te molimo da sa propisanom procedurom održavanja protesta upoznate Vaše radne kolege kako bi proteste održali mirno, dostojanstveno, bez narušavanja javnog reda i mira.

Tekst Zakona o javnom okupljanju u Kantonu Sarajevo možete preuzeti na web stranici: <https://mup.ks.gov.ba/sites/mup.ks.gov.ba/files/Zakon%20o%20javnom%20okupljanju%20ks%2032.09.pdf>

U prilogu:

- Izvod iz Zakona o javnom okupljanju u KS (član 20. i 21.)
- Dopis Sindikata radnika u zdravstvu u kantonu Sarajevo broj: 534/19 od 03.10.2019. godine

Dostavljeno:

- Predsjednici osnovnih sindikalnih organizacija x17
- a/a

